

ECONOMIA

Savognin: avertura center da cumpetenzza biagier ed energieia

Blera cumpetenzza sot en tetg



Igl center da cumpetenzza «biagier ed energieia» a Savognin/Padnal ò er a disposiziun generousas localitads da scolaziun e stat avert sonda e dumengia proxima per ena invista.

● **pb. Sonda e dumengia proxima derva a Savognin/Padnal igl center da cumpetenzza per biagier ed energieia las sias portas. Quatter partenaris portan igl project dad en center logistic per miner-geia-P.**

Sonda igls 12 da november dallas 13.00 anfignen las 17.00 e dumengia, igls 13 da november dallas 10.00 allas 16.00 èn las portas avertas tar igl center da cumpetenzza tar la halla da produenziun dad Uffer AG a Savognin/Padnal. An ena exposiziun suvasibla survignan igls visitaders ena survista cumpetenta an connex cun biagier ed en adiever optimo dad energieia. E chest center duess rastar en'adresa da cumpetenzza cura tgi persungas digl rom an dumondas da construcziun u ensatgi ò interess da biagier. Aint igl center duess er neir instrua perungas interessadas an chella direcziun.

Quatter pitgas principalas

Sonda e dumengia survignan igls visitaders sen treis plangs infurmaziuns sur dad energieia an general ed an connex cun ecologia ed efficienza an spezial. Antras

manavar sen igl monitor d'en computer (touchscreen) ins sogl neir tar las infurmaziuns e schi el less piglier chellas cun el pò el gist tarmetter en e-mail cun igls documaints giavischias tar el a tgesa. E tiers igls documaints pertutgont l'effizienz d'energieia èn er da catter diversas occurrenz, igl concept da spazi digl center cun las localitads da scolaziun etc.

Chest center da cumpetenzza a Savognin è purto da quatter partenaris principals. Chegl è la fundaziun Minergie, las ovras electricas digl martgea da Turitg ewz, la scol'ota digl rom ibW Südostschweiz e la Uffer AG. La ewz dat sen 60 m² infrumaziuns generalas tar l'energieia davent dall'ovra hidraulica anfignen cura tgi igl current vign or dalla beschla. Igl cunsiglieders digl ewz vignan a star a disposiziun agls visitaders per tottas dumondas d'energieia.

La scol'ota digl rom ibW Südostschweiz vign agl avignier a nizigier las localitads da scolaziun per mussar agls students da chellas direcziuns an la practica scu tgi ins so biagier da maniera effizienta an connex cun igl adiever d'energieia. Digl reminent ins ò

savia gudagner Stefan Engler scu president dalla cuminanza d'interess «biagier ed energieia». Scu parsoura dalla conferenza digl directours da construcziun cantunals ò el cò las duevlas cun-schientschas ed è er sto ferm vedlonder cura tgi gl'è ia per realisar la lescha d'energieia revidida.

Ena reit da profis

Tar la Uffer AG è James Cristallo, igl responsabel e promotour digl center da cumpetenzza «biagier ed energieia». Ed igl success da chel center vei el a lunga vista angal cun ena antiera reit da collaboraziun e relaziuns tgi sa basan sen igls pi divers partenaris tgi on da far ensatge cun la cadagna da biagier ed energieia. Uscheia seian oz gio 20 partenaris dalla parteida e tar l'avertura mossan els igls divers aspects cura tgi vo ainten la construcziun da bietgs per optimar l'energieia. Seia chegl tar bietgs novs e tar la sanaziun da bietgs existents.

Uscheia duess igl center da cumpetenzza davantar chel li. noua tg'ins s'infurmescha, cura tgi vo per l'effizienz d'energieia ainten la construcziun da bietgs. En tema actual ple tgi mai.

Local da juvenils

● Per saveir darveir danovamaintg las portas digl local da juvenils a Cunter, vignan tschartgedas persungas tgi èn prontas da surpiglier la survigliaziun da chel.

Igl local da juvenils è davert eneda agl meis, igl venderde seira dallas 19.00–22.00.

Tenor ena retschertga tigl scolars reals e secundars, è igl local da juvenils ena bunga purscheida ed i fiss bagn en grond donn schi las portas ves-san da neir saradas per pi dei. Chegl niro ad esser igl cass schi la survigliaziun digl local da juvenils n'è betg garanteida.

Percheigl: pigle igl corn ainta mang e s'annunztge p.pl. tar Carmen Dedual, schi pussebel las proximas dus emdas.

078 684 70 05

Angraztg fitg an nom da tot las scolars e da tot igls scolars dalla scola reala e secundara Savognin.

Beni ed oters...

● **pb.** Tar igl Dis da Litteratura a Domat la feugn d'emda passada è sto en concert an onour digl dus trubadurs rumantschs Benedetto Vigne e Paulin Nuotclà. Els on chest onn cumplania 60 onns. Agl concert èn sa participos 11 inter-pretis giovens dalla musica moderna rumantscha. Pero er Benedetto Vigne ed igl sies collega da Nagiadegna on laschea stramblar las cordas dalla gitarra alla moda scu ins canoscha els.

